

樂志堂文集

樂志堂文集卷十二

南海 譚 豐玉生撰

周濂溪先生畫像刻石記

昔浚儀舊縣爭綰陸雲桐鄉故老恒思朱邑是以昌黎北去勒石釣魚之臺玉局南遷刊圖載酒之臺遺範所存瓣香斯祝況以光風霽月穆然有道之象窮島荒厓歸然能政之躅白沙理學亦紹其淵源蘇齋譜系特師其模楷高山仰止樂石永貽焉濂溪先生天資英睿胸懷灑落靜虛動直誠立明通以宋神宗熙甯元年擢廣南東道轉運判官洗冤澤物志乘詳焉志尹希顏生平

盡矣後儒說太極之圖述通書之解連篇累牘雷同勦
說而要之慨慕之誠曷以此歟廣州試院舊有濂溪書
院遺址稽楊少保之所撰胡僉事之所書類皆重建莫
詳始創然而門稱航海街說仙湖惟憲署之舊營或曹
司其並寓彼翠中山四字之刻陽春巖元日之游或同
推官縣尉以偕來或與延平豫章而並祀猶復撫跡懷
人流連伫想矧此曹署曾經游衍梅檀敬挹羹牆如見
學使遂庵師掄才興重慕道心篤爰於龍鳳之署聿脩
蘭茝之祀拓地十笏構堂三楹甘棠曾憩芳椒特播訪
厥遺像勒彼貞珉池蓮自香庭草更碧宋廣平之舊堂

宛然芳躅張曲江之崇祠羣欽鍍像笑彼廣州廳事但
繪仙人仲翔宅址竟淪開士碑摹充國誰勒魯公之書
像配恩州敢擬傅雋作記

昇平社學祀故制府祁竹軒 宮保師栗主記代

夫以死勤事 國家需禦侮之才有功於民間并重薦
馨之典作一方之保障象譯梯航弔千古之英雄歲時
伏臘惟我制府祁竹軒 宮保交州士燮前代韓雍吳
隱去而香沈李峴來而穀賤真靈位業姓名灼見夫籠
紗外相威名勞瘁爭傳其運號嗣以島夷不靖幕府同
開喜黃霸之重來冀韋皋之久住伏波橫海宜銅柱之
遠標定遠封侯決玉門之生入已而受降城築都護府
移赫著勳名疊膺 襄錫輦車輜駕箭火銳灰土識將
心人敵王愬如陸敬輿之悟主而感泣遍三軍如李文

饒之籌邊而拊循越千里乃竟月沈東壁石坼西州家
繪陸雲人思寇準風流如羊祜墮淚碑刊忠憤比靈均
招魂賦作斯地者念國殤之同悼云廟祀之特宜卽譜
神絃尙存遺鵠昇平共樂靈爽式憑淒然落照平蕪時
薦寒泉秋菊刀弓自動往來偕貞毅之魂俎豆常存職
志補循良之傳思將軍而撫大樹祀元公而種白蓮肅
遺像之清高名同蜀相列出錢之瑣屑例仿漢碑

金山寺歲周遂啟謨獻續記

焦山之麓有漢定陶共王之鼎焉則我儀徵阮師相之所遺也金山之麓有周遂啟謀之鼎焉則我東鄉葉太子之所貽也夫有寶憲之功勳未妨保用如劉倣之珍惜且念烝嘗徒觀其永存佛界遍示人寰閱歷定過於羲軒護持終藉夫龍象贊皇家世豈虞慷慨而贈人海嶽生平誰俟儲藏而易宅申公銅滴古畫欲博而綦難紹節玉盤僉書宜歸而轉祕未聞寄郡便當傳家成虧信檀越之忘割捨殆英雄之事普鑒裁於廣眾虔供養於名山龍眠業已作圖坡老宛然留帶雲烟錄異香

火緣同已足輝映後先流聞今古而不知其占吉兆叶
休徵如師尚父之玉璜比忠孝侯之金印以視樂謫車
輜王覽佩刀夏侯氏之帶鈞尹思貞之古戰池邊簫鼓
樵所紹蟬汝南之符顯才名於子姓比干之策錫富貴
於兒孫符瑞益彰矯誣誰屑斯鼎也紀周宣王之錫命
偕尹吉甫以銘功弧矢專征尊彝并作宜言薄伐同永
久於太原實佐中興獨懲遺乎元老一十四行之古篆
深刻細鑄二千餘載之吉金觀光揚烈能殲齊成殆本
強宗合補周詩何慙大武比之伐徐所賂定獨之文蕭
相國之紀功陸伯言之破備諒不侔矣定軍始鑄武侯

之八陣倘存出土並時子臼之一盤猶在雄名法物夫
豈偶然繙惟我太夫子藏鼎之歲實丁機宜構釁之後
二年也越七載而我崑臣師巡撫粵東綏懷海外陶公
茂績與溫太真而並傳元齡善謀亦杜如晦之能斷深
沈不露反側自安李貞武原突厥長城令狐整寶瓜州
義首馭戎嚴整法定本於英公屬郡著聞服乃呼爲老子
國威復振爭推二儒帥之功兵氣全消遠踰十萬
師之力良算嘉謀如心遂意

聖天子賜之玉玦賚以金瓶御物上珍優錫顯贈特署
名於寶劍庶同味於戎鹽 國制以爲極恩軍功允宜

超報猶然口伐端合首封秩已進乎三公階遂躋乎五等蒲璧特頒而延慶萊衣仍著以承歡爛然翠羽之華合紀龍文之瑞顧名思義詡英物之誕生崇德報功宜大烹而致養萬金酬士賜錦裘繡帽而難周五鼎娛親萃龍勺雞彝而迭進業太平之有象豈悠久之無徵且其移鎮於金山也固南北之咽喉實華戎之門戶昔之風船火艦獸面鳥言曾抵秣陵欲決洪澤茲乃帆檣如織刀斗不驚海晏山明邇安遠肅豈必乘虛絕漠三城宛受生降毅然持重安邊萬里全歸控制張輔謀畧僅望薺於交州新建勛名獨威行於蠻峒錦帆閒寂銅柱

巍峩雖我師之雋功亦吾鼎之先兆者歟

鑒

同荷生全

實深忭舞兼蒙拂拭益冀摩挲命紀事而陳辭喜齊心

而同願殆孔愉之龜印亦楊寶之雀環山與俱傳鉅平

之碑待勒寺煩相戀厯城之磬誰移收藏孰似其達觀

闕闕殆成爲佳話鐘魚一例誌傳當書證石鼓之傳疑

或嘲諸老戢金戈而止殺早懺空王復厯漢唐宋明永

當千秋之鑑足禦魑魅魍魎居然九牧之金轉笑無專

曾入鈐山之第宅定爲元宰也同太傅之年齡謹泚筆

而續爲之記

擬小除夕南園舊社祭詩記

昔唐賈長江於除夕祭詩泊我朝洪稚存太史仿而行之張船山太守繪圖吳穀人祭酒作記洵迎年之韻事餞歲之閒緣矣惟是偏隅多難瀕海皆兵宛然臘水殘山亦有襜艤蓋軸爲賊何能習膽從軍各欲捐軀衛玠言愁劉琨傷亂孤城畫寂萬戶冬寒人盡終童但有請纓之志誰非傅永曾無磨盾之期風雅道衰娛游興減矣然而結習未忘端居多暇心似彈碁之局身無遁甲之方颶閉旌麾森嚴刁斗拾遺之隱凡獨愛看山陳正字之閉門仍耽覓句淒然觸目倍切傷心嘿爾撫

鬚不徒文手蕭閒半載閱厯三時不無弔古之篇亦有懷人之作憑誰潤飾傳或待於評量勞我精神祭宜同於堂贈則有敦槃老宿車笠舊盟喜今我之同心慕古人而低首紙窗竹屋別有因緣岸柳江梅翛然寄託相與共詣乎南園蓋前明十先生吟社也落葉積除脩篁夾逕衰草慘綠狂花妖紅蘿田欲平桂宇特敞謁孤忠之遺廟劫話滄桑愛老佛之同龕緣參香火桃符剛換合奏神弦竹爆不聞寂開詩境於是酌荔酒薦蘭肴脯精誰嘗香花遞供恍陳經而共拜憐享清而自珍李記室之禰襦任遺同館之割白樂天之削劂待作名山之

藏星霜易週風雨如晦信真靈之位業儼列宿之光芒
知聲價之頓增實心魂之相守詩多紀事集又編年肝
衡千秋歷覽當代屑草木之同壽諒鬼神之共歆文靖
碎金或擁鼻而如答王孫餘錦仍嘔心而不妨已嗟嗟
日月寢馳河山如故抱戮力中原之願值橫流滄海之
時避地無由依人何所誰如抱膝之畧但作裹頭之吟
縱偶流聞何關興替獨是連村焚掠闔境逋亡或同王
粲之離家或似梁鴻之負廡獨能掎裳連襪範水模山
恒擁破硯以枯吟仍設芳樽而共賞興居無恙此生合
是詩仙文字有靈爛醉恰同司命洵厚幸已殘年小集

尋桓魚菽之儀來歲 太平趺岩鶯花之局共卜抗風
軒古居然禮斗壇同特覓新題聊沿故事野衲迎客鄰
翁笑人非同偏嗜所存住簡寂觀中而鑄像仍願宗風
不振挹文獻祠前之瓣香爾同集者若干人人各賦詩
而僕爲之記時咸豐甲寅小除夕云

濂泉補梅記

濂泉寺在白雲山麓澗澗之左鳴泉噴薄碎石迴環奇
峯巒盤飛瀑幽折遍時雜卉原多古梅地異銅坑境通
香界亦附郭知名之寺而彌年索笑之區也歲在甲寅
蕤荷四起兵燹所及落角摧牙東同揚水之薪斯比墓
門之棘唱落梅而誰聽賦枯樹以無由鶴夢荒寒蝶魂
悽斷滄桑小閣不徒龍樹之哀花水澄觀一例牛山之
感茲者全銷劫運復際昌時聞好事之招邀集同人以
商畧脩完古刹補植名花隱夙慕乎孤山派原分於大
庾懸繡旛而禱佛撾羯鼓以迎神格彌古於桫羅香倍

濃於薈荀松篁交蔭俾聯三友之盟蘭菊叢生同譲百花之冠或移從花埭或載自蘿岡丹竈泥清甘溪水淡地饒三畝樹約千株鋤明月以生香耕寒烟而種玉種徒卅本笑閨閣之題詩開到五分報城闕而命酒烟蓑雨笠偶寄閒情粥鼓齋魚藹然清供錦屏醉倚誠齋何媿謫仙冰壺熟眠句曲原稱外史當同鏤腳朗吟秋水之篇何必縞衣又作羅浮之夢嗟嗟化元鶴以歸來人民如故撫銅駝而太息荆棘森然差喜香火緣深華嚴劫換宮開兜率粧點湖山麻檢樓羅評量花木悟榮枯於造化心跡雙清藉呵護於神仙色香俱韻爰書小記

具勒貞珉嘆轉轂之靡常願聞鐘而早覺金城種柳定學桓宣武之泣然元都看花猶幸劉賓客之重到當如葛稚川之舊種與沖虛而並傳尙乞李供奉之留題有慈恩之故事

翁學使遂庵師粵山探梅園記

夫對吟終日何水部之所思折贈一枝范蔚宗之久別
昔無其韻今獲儼焉宮允遂庵師司文東觀擁節南
裔試事已竣游蹤特多山近城幽花深人寂官冷疑鶴
梅奇作龍宋廣平之鐵石綺繒紛來元承旨之文章冷
光激射嶺表栽植名種特繁城隅讌游勝賞非一若夫
人如東閣地仿西湖亭署錦屏堂開玉照英州司寇種
卅本而曾題成都監官開五分而共報玉橫官道香覆
女牆鋤月堦前風雪曾經我輩學海堂梅花諸同人驟金所種讀書臺
畔琴尊雅稱閑官倚虛幌以無言伴短檠而韻絕蓋然

書味特哦秋水之篇誰是羹材亦占春風之選則城中
粵秀山學海堂也舍兼松竹塢翠煙霞亭四面而紅環
屋三間而玉護石帚之詞數闋江城之笛一聲縞衣自
去不須和靖之歸翠羽誰聽久絕師雄之夢天暝疑雪
地寒有雲銅瓶水凍分供吟壇希帳月明頻支畫案焚
香注易共論天地之心閣筆評詩未許王公之盼則城
外白雲山雲泉山館也幾生脩到得傍神仙一寺爲鄰
絕無烟火雲迎月送益厲其精神松樹杏花別參其氣
韻亦有千年之物鍛幹虬枝何來絕代之人冰姿玉骨
銀甲盪成霞采玉蕤霏作雨聲清磬相催殘鐘欲動誠

齋倚醉遂有謫仙之稱青蓮留題乃副名僧所獻則白
雲山倚山樓也賓從擎壺觴攜扶青筇屏阜蓋佳游屢
洽韻事須傳張伯雨正居燕地此時宛遇故人白太傅
久去杭州敘舊應思協律別駕南山師曠代之才同年
之友曾與掎裳連襟醉貌吟看特倩良工繪其往躅而
總署曰粵山採梅圖云將復至乎都門特遠貽於京邸
以鑒舊參末座命綴小言是用畧寫其風流備徵其厓
畧至若衡鑒之精宏獎之雅良友夙推其厲節名花亦
許以盟心無庸贅已

梁玉臣蝴蝶上墻圖記

玉臣非廣文之選也方其懷橘綺年然糠丱日恪遵庭
誥早荷門基謝混風格共作鳥衣之游馬良才名曾擅
白眉之譽擁書萬卷酌酒三升賦就高軒畫成大第楊
越公數遍之讀特許茂才崔司徒一面之交偏推國士
固將職掌並神仙之貴文辭有典誥之風揚學士則詩
寫十聯李文饒則集編一品者也何以進退相懸巍峩
莫與程昔範之下第屢振屈聲薛居正之遺愁咸知寓
意爰謝秀民之選先營博士之官執手版其誰甘換頭
銜而欲就獨有味乎昔人官閑無一事蝴蝶飛上墻之

語乃倩香湖畫史繪斯圖而自悅焉或且疑其志之已頽或且笑其言之太激而不知國家訓世宏風廣開橫壘簡奇擢秀端賴師儒餘杭無范甯之賢丹陽乏李忠之輩秩雖輕而責重員似備而權專湖州則詞賦特尙經書與政事同治興國乃儉齋之區規榘與衣冠並肅庶敦崇乎道素期演廸平斯文卽不然苜蓿自香芙蓉敢怨但饜先生之飯何論司業之錢劉瓛之館薄藝桑麻何允之庭頗饒山水環林壁沼木葉何多棘寺槐宮菜花無數去翩翩而欲往飛栩栩而仍迴冤絲燕麥同深暮雨之緣茅屋石田共作春風之夢視彼書恒掣

肘責卽免冠書佐牽而敢忽按刀督郵至而已先束帶
倘論位置何去何從也又况玉臣方踰毛義捧檄之歲
恰屆馬周具草之年遭逢不偶鄧仲華敢負元功訓督
有方范希文亦稱賢相儒以道得民豈異人任仕而優
則學惟此時然夫復何疑於計誠得園蔬正碧廡草皆
青檜有落花逕多新竹趁游絲而並住逐飛絮而爭高
問奇字者誰來倡高歌而寡和杜門卻埽煑茗焚香茅
庵自編怡當林下板牀獨坐偏隨樹陰此景此情胡可
數覩若僕者織錦綾而未學飲墨水而依然久沈人海
自知來日之大難欲涉宦途倍惜良時之不再廣文一

席幾若登天三復斯圖爛增感喟聊泚筆而爲之記云

餐菊圖記

霜信一庭月華三逕詩心若水酒夢如塵松廬師招同人作餐菊之會焉座皆舊雨筵有秋花裁原等身采輒盈掬蒂綠土澀金翦快而畢裁瓣香水明筠籠疎而暫貼屠龍淪鳳錯萬朵以堆盤象白髦殘漣千香而侑酒嚼蕊本豔吞花愈豪羹借蟹紅膾分鱸白食單原昉於正則選材亦異於天隨黃芼湯而益嬌綠裹麵以仍瘦署老饕其亦韻延妙算以彌佳金碧滿園風霜一箸沁幽香于肺腑剛副熱腸振餘豔于齒牙未妨枵腹倒深盃而痛飲酌大斗以狂吟長笛一聲清歌三疊花圍絳

帳匪投轄而偕留酒漬金壺更彈臺而有贈金迷紙醉
惜瑣碎之零香人靜皆閒顧昂藏之瘦影飫後慨沾童
僕大嚼可知醉中誰識主賓香光如笑亦吟壇之韻事
花國之奇緣也已越十五日重尋舊約遍索新題論卽
粲花期剛伫月乃囑畫者繪斯圖焉望以微疴竟愆宿
諾懸知此樂未減昔游已嗟嗟殘羹冷炙之場瘦蝶寒
蠶之地良時月負我輩宜狂然而聚散靡常升沈難定
或交到卅年而醉慳兩度或別經半載而約來今番著
書而剛欲杜門中酒而但聞復社他日諸君彫纓天閣
塔席名山均不能同佳日以娛游對名花而跌宕者也

開卷撫然爰此筆而爲之記前會某年某月日會者若干人後會某月日會者若干人

陳春山山水畫辨記

古來父子俱以畫名者唐之大小尉遲大小李將軍著矣至若同爲昭胄之子矜慎不傳過實蘇軾之兒歸來如夢以洎米老之於元暉孟頫之於仲穆前明文待詔我朝王奉常莫不詞賦一家丹青絕技後先輝映點綴流聞固不獨傳其家學僅同鄭法士之遺又豈能呼以畫師深爲闡立本所誠我春山上舍拔了十人心懸五嶽軼羣之量冠古之才夙負詩名尤工繪事令嗣庚生材儲廊廟思鬱風雲雅善雜文兼治僕體夙嘗問業於予而顧未知其述庭聞通畫學也日著春山過余出

所作山水冊子而屬爲之記蓋耳濡目染積習已能而
筆精墨良揮灑仍滯班蘭臺之著史端自叔皮王僧彌
之學書宣師逸少鬱盤飛動亦知弓冶之心情慘淡經
營宛付巾箱之事業而或且謂韋平家世韓范功名將
相一門公卿累代欲使門基之荷當垂庭誥之詳卽謂
時命難知但期文種勿絕王氏則銅川有述文翁之石
室猶存公望公才臣文臣筆數碩子之子足敵萬錢鄧
元侯之兒專守一藝彪之青箱止言故事石建白首僅
事常儀春山亦何必以畫傳而並以期其子歟不知從
歐極飲慮笑疏狂論文聽琴亦涉風雅資材所因亦何

可強簡札之用務使其佳苟當蘭室風過槐庭月上邕
書著罷皋賦編成田舍老公卻許生綃對擘郎君空谷
俄驚醉墨橫飛膏腴得而邛壑成清賞倫而山林並斲
輪旣喻限鐵門而人迭求問絹無勞寫青山而客兼買
此亦畫禪之軼事而名父之勝情也則此冊之貽又烏
容已矧以生平閱厯告語丁甯兒比張敷未覺查梨之
判人猶唐介總虞荆棘之多此又陳咸牀下卽睡宜聽
房喬屏風悉書以誠者已從古偉人兼精畫理庚生年
華似綺翰藻如雲福命何如顓門誰屑林泉高致有言
畫亦有相法請援斯語以頌春山至謂蜀漢諸葛忠武

與其子瞻俱善畫則又加人一等豈容漫以相諛要亦
惟其所致耳品仍徐氏誰能格倣諸黃愛亦劉侯竊愧
才非老杜

越山高會圖記

代

梅子雨晴棟花風細新綠破野殘紅絢郊則有秋田李
子厚田杜子招同悅亭太守作越山之游僕與菊村司
馬渝川別駕聞而訪焉庾公嘯詠據牀恒共深源謝傅
謙集開筵輒待武子往亦良佳來原不速樂哉斯邱爲
之屢眷矣當夫停車桂闌策杖松壇蘭碧蘸堵楓香颺
座憑高氣逸窗吞趙尉之城弔古情幽門汲鮑姑之井
原是幔亭綠屋仁仙人兮不來曾無燕夢免葵訪道士
兮仍在龍門雪霽郤並文僖牛渚月明早知袁豹則始
集於三元道院也讀書臺峙擲研亭開漫山皆旌節之

花遶砌亦文章之樹靈孕川陸采蠹雲霞英雄事去翻成翰墨之場香火緣深大得江山之助亦有移來松柏誰比楊孚不僅易置茅茨彌思宋璟則偕游乎學海堂也石泉槐火共論坡老之因緣禪榻鬢絲早悟樊川之閱歷登寶地陟香臺晤名僧參老佛閑誰畜馬幻豈咒龍祖燈憑山水之靈霸業付華嚴之劫證微言於虞苑幡影恒懸話故事於曹溪鉢痕誰補則同憩於觀音閣山響樓也鐘聲忽動庭陰漸移罌鶴迎人山猿送客乃返張醺於三元道院焉羹材選觴政參或低徊身世或商榷古今妙卽粲花豪幾喝月張文楸而共戰撫焦桐

而獨彈或闡韻以吟慳或分題而句捷此樂何極浩蕩
忘歸矣嗟嗟某水某山曾匪釣游之所半郊半郭恰論
觴詠之娛而蟾魄再蝕驪駒已歌曾幾何時而太守將
有粵西之行泐石可久搏沙靡常恐永不得復爲昔日
游也爰屬陳子涤晴作越山高會圖特泚筆以爲之記

樂志堂文集卷十二

樂志堂文集卷十三

南海 譚瑩玉生撰

寄蔡樹百光祿書

五年契闊萬里音書擬垂郢惲之竿永弃陳遵之札比
維樹百先生壯懷翻日浩氣橫雲通縞紵於東南捧敦
槃於輦轂擲金龜以延客置驛騎以畱賓偶乞假而
返舊鄉辱論交而呼小友飲原文字會有簪裾拓金軒
於樽前謚洞簫於座裏旣而餞離祖別道阻且長見芳
草而憶王孫折秋蘭而思公子亦謂士衡入洛當詣茂
先將軍罷朝輒過樓護丹陽品藻傳教以覓張憑伯喈

風裁倒屣以迎王粲而乃北征有賦西笑無緣技原誚
平屠龍夢難期乎得鹿句止水田夏木好事仍傳篇無
野火春風長安敢住楊子幼有言長爲農夫以沒世人
生行樂耳須富貴何時僕之謂矣然而買田陽羨志願
空賒小宅江陵柳榆可想而知猶幸高歌市上原有酒徒對
飲車前未煩騶卒忍令眾人皆醉欣然半道相要何曾
五日不醒業謂此生足了龜腸蟬腹夫復何言倘忽飛
來謂雲間之一鶴慣遲作答盼天上之雙魚良時在茲
榮問休暢風雨如晦關河欲霜持壺盍餉元忠致書忽
于仲寶全藉昭晰不知所云

與徐鐵孫書

此別十年所思萬里離鄉敘話舊雨都非團扇緘題清風聿至豈報書之無暇輒搦管而眷然當知樓護之忙仍諒嵇康之懶鍊孫司馬卓爾不羣淡然無欲讀書官好令入幕以從戎擊楫人來期渡江而殺賊軍儲早辦稱厥職以無難時論翕然決此材之特異西平將畧庶酬高厚之恩霸上軍容易短英雄之氣慨自籌邊屢誤橫海無功勦與撫之靡常戰與和其兩失山濤之論不愧名言汲黯之來何嘗臥理李衛公之征吐谷奚憚一行寇平仲之禦契丹敢爲孤注虜情叵測時局可知

功罪難憑是非誰判實恬嬉之已極宜緘默而不言或
撥亂之需時仁篤生乎名世某文字無靈行能誰算彌
年下第半月杜門言念故人郵書遠道回憶徵歌湖舫
載酒山堂膠序修書僧寮結社相與提鶴擎鷺歎竹吟
花原極尋恒何可復得而伯臨石華子春墨農石溪君
謨夢秋心齋蒼厓任齋心蓮棉洲諸子并已登鬼籬愴
絕人琴等逝水之難留較晨星而易數惟與笛翁時相
過從耳猶幸日飲醇酒時讀道書聊足自娛差強人意
然而冀游五嶽而兒女累人願受一廛而田園易主指
水之盟如昨買山之望更奢問字誰來負書安往香山

之集但寫寄於名僧草堂之貲待札求於良友擬就廣
文之館而需次仍遲欲觀太學之碑而壯游難決暫作
依人之局敢開結客之場鬢欲成絲腸如轉轂端憂多
暇聊復書之詞翰千秋寢興萬福

上太僕何根雲師書

蓋聞利鈍者時也行藏者志也窮達者命也卷舒者才
也是以孫寶徒舍望之抱關安得獨高名從所願劉瑀
不居戶限陶潛聊欲弦歌處中品以綦難尾百僚而何
礙子雲祿位何必動人東方阻飢敢言避世研經治事
本慙安定之風裁問舍求田漸減元龍之豪氣陶侃佐
郡苦乏津梁張融求丞何知階級業致北門之嘆實希
南郭之憐已惟我根雲老師大人材振四海名成一時
張柬之稱宰相之才郝處俊得大臣之體自嫌早達偏
作熟官三十侍中旬月端右文位依然難致訪求安用

多爲馮定端凝所著合酬之瑞錦崔琳貴寵其名終覆
於金甌沈慶之在省十年陸象先加人一等吉祥先兆
早占蛇鶴之徵驅使大才遠勝鳳麟之瑞特令內掌機
密本陳元康之所能何須高論元虛得王淮之而便足
天子與同筆硯預決學中後堂屏絕管弦蕭然儒者
平生論撰都寫 御屏文武賢材先收夾袋孔休源怡
然無愧公卿自珥貂蟬范魯公相繼何年廊廟總傳衣
鉢昨歲絳節遠移珠衡獨運採珊瑚於網底不遺截貝
編璫收藥物於籠中并及牛溲馬勃望粵東之鄙人也
屢爲下第劉蕡甘作還山何點猥蒙甄錄重荷生成銘

鏤奚言依歸永賴慨自賦成驅雀舞感聞雞翛然山澤
之儀卽荷門基之寄亦嘗東塗西抹汎覽流觀鑽堅研
微高掌遠蹠所以才非名世試輒冠軍誰謂瘠駝共推
雕虎頻受知於哲匠屢見賞於宗工或謂驚人空聞薦
士盧詢祖之表俄頃便成柳文暢之詩稱傳共寫許王
筠惟晚來獨步譽宗懷爲有意少年幾疑富貴逼人方
謂文章奪命而乃年年康了各各休哉頻賡歸燕之詩
空紀大鵬之夢加以詞場文陣心織筆耕或一紀未成
或半晌便就賣文之錢易整伐性之斧誰防以至載酒
問奇攬金諛墓仍須苦索亦待冥搜嗟嗟家本不貧身

仍未老先君遺產易主經年同生者十九人待爨者廿
餘輩鮑叔牙共分財之友均比夷吾謝宏微非世祿之
家偏逢殷叢王慈之宅僅存石研素琴任昉之兒忍著
練裘葛帔遂至仲宣體弱燭武精亡游世之術難工謀
生之計本拙宋濟坦率高頓樸淳敢求巍峩自打鼴耗
鶴聲有句他人之行卷空傳鳳字誰書同座之諸詩難
覓伏遇老師大人陶鎔頑礦雕刻朽株文本縱橫判無
紕繆李廣材氣偏詡無雙阮種賢良誰擢第一渥洼神
馬之賦崢嶸悔學喬彝鼎屬巨鼈之嘲名第竟同盧肇
而且憐才獨摯說士仍甘許孫巨源實賈誼之倫譽李

清臣有荀卿之筆珠庭日角轉驚知己非常古誼忠肝
特以得人相賀老夫當讓廬陵本習撝謙先輩誰稱司
空益振聲彩孤寒拔擢光價頓增疏越等子珍裘賦琰
比於良玉馬賓王之骨相早笑薦肩管幼安之心情甘
署龍尾敢謂張華望氣知寶劍之埋藏蔡邕審音惜古
琴之焦灼照炎曠於寒谷灑甘雨於夏畦亦如老驥伏
櫪之年偏逢伯樂枯魚游釜之日忽遭陽侯病鶴稼鐘
得羊公而暫舞荒雞脰膊來處宗而善談耳計吏與偕
禮闈復擯坐春風而未久乘曉月以遄征逕抵南州遠
離東閣暮烟筭雨思公子兮敢言蕉阜桃林望美人兮

宛在雀環龜印期報德於他年墜履遺簪愧酬知之無
地矣竊念東行未決西笑難幾不同蟬腹龜腸何能免
俗敢學聾頭鼠目但說求官望久作明經無心射策曾
營薄宦就職廣文然而需次尙遲居卑所樂曾無吏幹
可任浮沈畧有年勞仍需獎借用茲仰瀆仁望台裁倘
荷齒餘定蒙首列嶺外重臣開府使者乘軒凡屬貴游
各通榮問書貽韓愈幸言區冊之苦吟詩寄鄭愚兼及
曹松之已返言期九鼎坐割半氈迢遞傳牋因仍捧檄
應官聽鼓俸錢足贍全家鍵戶著書文字或堪千古伏
乞恕其狂簡重以恩私勿吝勤施敢忘大德歸故鄉而

衣繡亦云聊以自娛爲浮圖者合尖敢說不知所報斗
山長在獨門墻葬一瓣之香溝壑未填卽妻子荷再生
之惠八州兼督或重到於吾鄉來日具瞻倘久聞於
禁近待脩相業仍藉師資攝衛得宜行能無算謹奉謝
啟以聞無任感激悚惶之至

寄侍講龍翰臣師書

癸丑六月

遠違絳幔倏屆八年庶見素冠頓經三載嗣音久曠思
德滋深東墅琴尊同盼謝安之出北門鎖鑰偏令寇準
之留慨自荏苒不靖徽芑屢歌刁斗接於羅融戈鋌遍
於灘瀨張魯原同米賊孫恩難署水仙未聞鄭伯之前
驅翻似鄒陽之未至眾惟烏合寇乃鴟張桂府如累卵
之危梧郡有含沙之射深源次律之輩便詡將材霸上
棘門之軍久同兒戲所幸望隆桑梓功在榆枋喜畢誠
自禁署而來倚李靖若長城之固趙伯陽實英雄所
保婦孺胥懷崔清獻本宰輔之才安危是寄固不獨管

幼安之偶寓避難咸來鄭高密之所居羅拜而去已也
迄今竟棄湖湘逕趨淮海司農仰屋囂然籌餉之難
聖主憂邊太息知兵之少揭竿奚自滋蔓難圖拔本塞
源誰執其咎側聞草檄脩期早膺殊錫述哀騎省仍
賦閒居孝子循陔孤臣戀闋經營善後原同百爾之
勞夢寐懷親豈以三公而易心情共白中外交推已

望

原匪蛾眉忽遭謠諑倅逃虎口仍冀矜全夙承眄睐之

加奚惜齒牙之論敢謂生平之共信惟宜兢惕以自持

庶不辱乎師門爰載馳於皇路笑風波之太幻伫寰海

之俱平保障千春庭幃萬福統祈霽照肅請釣安

復侍講龍翰臣師書癸丑八月

久曠牋繪倏更珪律翹瞻馬帳敬遞魚緘忽捧來書虔
脩覆稟祝松身之老大致藥物之尋恒竟任浮沈彌增
悚懼恭惟老師大人憂國心勞匡時願切裴晉公之出
處理亂由分崔正子之歸來澄清共賴作一方之保障
係全粵之安危暫眷戀於庭闈足對揚於君父側聞
消息復肆披猖蟻聚蜂屯豕突豨勇人非新建誰令八
寨之平將豈紹威偏合六州之錯嗟嗟楊公負固除是
飛來蕭繹入援都無下意文季右族偏諱將門細柳軍
容猶然兒戲丹陽子姓著芒屨而何妨鐫杖生平備葛

衫而不必任嘲呂姥憑誚段婆未讀趙括之遺書止辦
檀公之上計佛亦難除狡寇天將特富此翁置鼓吹以
自娛發瓶罍而獨酌材皆關葺事各因循大抵禁蛇謗
鶴之談殆非摸犢偷驅之賊粵東凋弊僻處偏隅日者
繁昌都緣合市溯自禁嚴罌粟貨減婆蘭喧闐仍裸處
平五方財賄業遞分乎三省加以曾經召募誰耐饑寒
虺毒潛吹鳴音難革高涼烽火牘譙國之祠堂章貢戈
鋒照曲紅之碑版近構東官之釁彌深南裔之憂稍就
惕乎官箴足挽回其士習流聞難逃乎眾口譖決務失
平人心上下相蒙進退無據蹊田有罪奚至奪牛負嵎

敢搜誰善搏虎事由激變論貴持平若瓜剖而豆分可
桃僵而李代戶盡危帽散衣之習家有犀渠鶴膝之儲
方將剜肉以醫瘡仍慮惜指而失掌實拊循之孔易業
去住之均非終當姑息以養奸誰果從容而弭亂望習
膽未能抗顏安往難同匏繫深恐蘭摧荷照拂之隆恩
獲量移於善地妻孥均感宗祐俱安知感事之煩紓欲
陳詞而愧怍雲龍易合實冀望兩朝開濟之勲風鶴頻
驚倘副千里依歸之望顧脩原而寂聽痛滄海之橫流
誰廣梁甫之吟易作游仙之夢祈求訓誨頌禱平安倘
怨狂言猥蒙亮贊不宣

寄江蘇學政何根雲師書

癸丑十一月

豈必河山之異風景頓殊况當神武之隆英雄所附如渡江之衛玠但對蒼茫知睹壁之謝安猶然鎮靜恭惟老師大人量本軼羣材原名世陶士行之作督俟見朱衣裘晉國之論兵依然元鬢文成經濟當令八寨之平伯益贊襄易致三苗之格宜司台鼎屢掌文衡先期要地之儲材特命貴臣而弼教春官桃李盼卿月以懷恩江右文章拜下風而勵志東南禔福淮海薑英才藻冠時俊彥盈閣甚盛典也亦壯游也乃值游魂放命吮血磨牙賊豈難當城偏不守地近滎陽汜水寇多可知

軍如霸上棘門兒戲實甚赤眉易破將匪元侯青坂同
悲人皆次律宣王巾幘遺韋縠而何妨柴紹琵琶過澠
陽而共學或虛搖羽扇或兀坐胡牀各各薤歌家家芒
屬原非葛相同環書老杜之詩宜學黃童劙切報孫歆
之捷以至竹西池館徧起烽煙木末池臺盡成灰燼更
連他省漸近中原笳鼓沿江旌旗徧野側聞消息仍休
威嚴矢傅脩期殺賊之心贊李德裕籌邊之畧孟子居
薛無間戒之詞張昭輔吳有留後之禮孔融隱几羊祜
輕裘征虜雅歌畢誠條對虞彬父之奉使大功倘出儒
生吳子顏之在軍威望隱如敵國尤望還登揆席實總

師于學綜兵農治兼揆奮鄧侯宿知韓信翟黃遂薦樂
羊趙充國之功名端由魏相狄武襄之遭際剛值范公
以人事君當所素預致治戡亂夫豈偶然望執戈未可

學劍難成仍妨打草驚蛇唯願守株待兔懲羹吹慣畫
餅充難嘆滄海之橫流緬高山而仰止伫量移之得地
須照拂之有人知眷顧之頻煩輒囁嚅以中輟斯人不
出冀皇天后土之鑒臨舍此其誰詣大澤名山而頌禱
桂苻徧起萇楚同歌朔雪驟寒滄波無極爲國自愛
與時偕行來日具瞻太平有象闔宇祈其壽考蒼生問
其起居慶祝熙安肅求策誨不宣

甲寅五月報友人書一
代

某啟寇氛轉熾時局難言暝鶴久聞瞻鳥安止仍勞西
顧欲賦東征慨自揭竿肇亂滋蔓難除中外騷然東西
一轍綠林難避不徒李涉之逢滄海橫流獨任王尼之
臥抽舌探腸之輩磨牙吮血之徒幾如聚蟻攢蜂不僅
偷驢摸犢憶萑苻之釁起翻咎國僑冀大樹之陰濃誰
同馮異所以三城之舊好如在薛而有戒心卅載之僑
居非舍王而有歸志人人元亮難覓武陵各咎幼安願
依遼海燕同巢於重幕鶯誰借以一枝加以上都之珪
組別郡之簪裾多賦歸田居然負廡豪家絕少倩買賦

於何人橫望已多悵授經之無地辱承厚愛直貢譏言
與其去住之均非不若從違之早決龍久深潛於大壑
鳥客輕去其故鄉閣下材原冠古局賴維持交到忘形
語慙貞率伏希原宥並訛興居鉛槧日增鼎裯多福不
宣

甲寅五月報友人書二

代

某啟。夢降衆雲，緬懷舊雨，痛蔓延之難靖，宜柳往之頻歌。伏祈保障東南，廓清中外。鄭從謙居然儒帥，徐茂功儼若長城。依細柳以開營，掃落花而張讌。特膺殊錫，足慰遐思。溯自狐鳴先兆，魚爛堪虞。維馬首之是瞻，實犬牙之相錯。本無分於畛域，亦暫享乎隆平。釁始發於盧亭，山川能限。敗幾同於淝水，草木皆兵。城鄉多被劫之家，藪澤盡逋誅之寇業。虺毒之潛燭，或豹胎之已成擊柝。相聞操刀必割，所以識微知著。思患豫防，各爲避地之謀。同訂卜鄰之約，獨是桃花源杳。或悵懷仙桂樹。

山幽誰賦招隱委心任運棲遲樂飢聞解組之有人知
稅駕之何所孫宰高義隨處彭衙李涉工吟輒贈豪客
嗟嗟綠波春草南浦別時白露蒼葭伊人宛在繁維難
企帳矣如何松楸無恙雖未營丙舍之田薪木依然宜
暫返武城之室仰匡時之偉畧矢報國之素懷專問
興居全藉昭晰不宣

復沈伯眉學博書

某避地倉皇懷人篤摯曾逢舊識預訂僑居借隱難擬
於鹿門貨春畧異於鴻廡談多稼穡會有茶瓜家擅蠶
桑市饒蝦菜恒思仲長統之樂志誰許杜牧之之罪言
嵇康未著論而養生吳質仍攜愁而善病亦嘗拄杖寶
陀之寺載酒妙高之臺追憶昔游真如隔世佛象半經
刹落僧顱盡已凋零郭璞重來覺衣冠之氣盡端明敢
企同鬚髮之皓然署金焦漁隱而綦難余嘗自署小金
焦釣臺魚隱

繪煙雨歸耕而無謂業還所寓疊泰來函謂屢枉平高
軒知旋適平樂土風帆沙鳥鄰火村春招隱地遐移情

人在筆牀茶竈錦帙牙籤圖耕織以題詩話桑麻而把
酒管幼安翛然白帽何知亂離陶泉明樂與素心共數
晨夕羊求開逕喜益友之多聞葛鮑移家信游仙之極
樂側聞狼機稍靜羽檄偏遲烽燧不驚波濤頓息然而
豢龍之業不世刑馬之盟可寒寰海方隅定喜銷兵之
易炎風朔雪誰推翊聖之忠和與戰之均非剿與撫其
罷了承問伍紫垣方伯功在榆枋行猶荆棘能杜門而
卻軌思棄產以營書議到金縉富民之侯共拜存唯圖
更汲古之闇巋然張賓峒觀察仲宣體弱燭武精亡難
覓仙方易登鬼籙嗟嗟浮生如寄近局難知恒落落以

寡歡終鬱鬱其誰語宜及時而行樂思忘年之素交今
雨不來停雲在望惟願歸艎早駕連櫓掎裳同詣竹林
或參蓮社過似號寒之鳥默比到秋之蟬客有公榮座
同車允泛中秋之明月珠海聞歌醉九日之黃花玉山
談劍杳冥氣祲馬新息銅柱高標浩蕩江湖顧虎頭布
帆無恙欲言不盡相晤匪遙去住清嘉榮問休暢

與梁玉臣舍人書一

春初錄別悵望美人秋末遺愁言思公子未完婚嫁敢論五嶽之游轉念生平仍作千秋之想玉臣二兄文章蓋代著撰等身職掌豔說乎神仙儀望足矜乎臺省科名累載獨海內之交推詞翰一家僅嶺南之獨擅鑒猶然下第決計杜園擬儲賣文之錢仍刊問世之集草堂之貲誰贈香山之社倘還小兒忝荷陶甄當勞訓迪幸承夙諾詣京邸而畢婚翩爾長征附公車而奉謁星期遙遞冰語先傳深慙碧鶴之知切盼青鸞之信不勝鶴望敬仁鴻輝遙布惱忱全藉昭晰不宣

與梁玉臣舍人書二

秩卿孝廉擬於十一月初旬挾冊入都

孝兒

亦同束裝

就道著錄原稱弟子傳言合作蹇脩僅庀精繆若干以當儼皮束帛之需并附翠羽明璫之飾深慙璘薄尙冀彌縫事宜統俟裁量緣飾務期屏絕此外若衣裳羃裾各件別付蘭浦式之諸子琴裝緬懷舊雨之敦庶返古風之樸愧乏涓埃之報稱期同湖海之包涵耳次公泥金送喜淡墨書名當給假而始還或請期之稍緩然而男婚女嫁但祈眷屬之團圞水遠山長誰況妹兄之先後仍求酌定務俾完成伏元度有言作父如此定何如

也閣下當援此以自誇矣望 敢冀櫻桃之醺惟耽苜蓿
之盤書致竹軒宮保務及姓名當蒙獎借諸承眄睞均
藉吹噓詞不宣備

代區仁圃師辭粵秀書院山長書

久履田園如趨棨戟好音遙遞篤愛良多恭惟竹軒宮
保楚香中丞兩大人望重華彝才兼文武集思廣益成
開濟之功名後樂先憂間生平之抱負周家方召

熙朝例亦徵詩晉室陶劉信史原宜合傳某忝爲院長
同是部民獎借分踰中和頌缺夙隸帡幪之內赧然庠
序之間奪席伊誰濫竽已久更值桑榆之暮景彌傷榜
櫟之朽材將屆七旬叢生百病幸間身之健在卻老眼
之瞢騰習靜或宜知新難冀鍊藥擬隨霞外看花仍似
霧中明鏡高懸誰敢飾詞以對長鏡無恙固當隨遇而

安兒捧書還宜學間雲偶出醫傳方至輒言彌月始痊
刮膜豈有金鎗鎖心諒無銀液倏到傳柑之節便當釋
榮之期恐噴越以貽羞負陶甄而起化抗顏無謂頓首
載辭普放光明逐鷺鷗而遠舉彌嗟老大辱羔雁之頻
來依戀情深去留計熟原笑自迷五色猥言心醉六經
匪慕高騫統祈亮營興居萬福建豎千秋詞不宣備